



15-03/24.08.18. (6)

Broj: 02-1-38-12597-1/18  
Zenica, 23.08.2018. godine

ZENIČKO-DOBOJSKI KANTON  
SKUPŠTINA KANTONA  
N/R PREDSEDAVAJUĆEG SKUPŠTINE

SKUPŠTINA ZENIČKO-DOBOJSKOG KANTONA			
Primljeno: 24.08.2018.			
Org. jed.	Broj	Prilog	Vrijednost
	01-38	-12597-1/18	

**PREDMET:** Odgovor na poslaničku inicijativu, dostavlja se

U skladu sa članom 199. stav. 2 Poslovnika Skupštine Zeničko-dobojski kanton – Novi prečišćeni tekst ("Službene novine Zeničko-dobojskog kantona", broj: 7/12 i 12/13), u prilogu Vam dostavljamo odgovor Ministarstva za boračka pitanja, na poslaničku inicijativu poslanika u Skupštini Zeničko-dobojskog kantona, gospodina Lemeš Samira, pokrenutu na 63. sjednici Skupštine Zeničko-dobojskog kantona, a u vezi izmjene kriterija za dodjelu stipendija, u smislu dodjele većeg iznosa stipendija za studente koji studiraju van mjesta prebivališta, ali samo u slučaju kada odgovarajući studij ne postoji u mjestu prebivališta.

S poštovanjem,

Prilog:  
- kao u tekstu

Dostavljeno:  
1x Naslovu,  
1x a/a.



SEKRETAR  
PO OVLAŠTENJU

*Karis Hrgić*



02-1  
Denis

Broj:13/03-2-3-38-12597/18.  
Zenica, 15.08.2018.godine

20-08-2018

PREMIJER  
-SEKRETAR VLADE

**Predmet: Odgovor na poslaničku inicijativu**, dostavlja se

Veza: Dopis Stručne službe Skupštine Kantona br. 01-38-12597/18. od 10.08.2018.god.

U prilogu dopisa Stručne službe Skupštine Zeničko-dobojskog kantona, broj i datum gornji, Ministarstvu za boračka pitanja dostavljena je Inicijativa Samira Lemeš, poslanika u Skupštini Kantona, za izmjenu Uredbe o stipendiranju redovnog studija branilaca i članova njihovih porodica (Službene novine ZDK broj 4/14., 1/18).

Poslanik Samir Lemeš je pokrenuo Inicijativu u vezi

„izmjene kriterija za dodjelu stipendija, u smislu dodjele većeg iznosa stipendija za studente koji studiraju van mjesta prebivališta, ali samo u slučaju kada odgovarajući studij ne postoji u mjestu prebivališta“.

Obrazloženje:

Troškovi studiranja nisu isti za studente koji studiraju u mjestu prebivališta, kod roditelja i oni koji moraju plaćati smještaj, put i druge troškove. Iz tog razloga pokreće se aktivnost na izmjeni politike stipendiranja u smislu različitog iznosa stipendije za studente koji studiraju van mjesta prebivališta, ali samo u slučaju kada odgovarajući studij ne postoji u mjestu prebivališta studenta.

Dopisom Stručne službe Skupštine od Ministarstva je zatraženo dostavljanje odgovora na pomenutu poslaničku inicijativu imenovanog poslanika odnosno eventualno poduzimanje mjera u cilju postupanja po istoj i dostavljanje Stručnoj službi Skupštine pismene obavijesti o tome.

U vezi sa dopisom dajemo slijedeće obavještenje:

Članom 23. Zakona o dopunskim pravima branilaca i članova njihovih porodica (Službene novine ZDK broj 1/14) utvrđeno je slijedeće: "Branioци i članovi njihovih porodica, koji su srednje obrazovanje stekli u školama na području Bosne i Hercegovine, imaju pravo na dodjelu stipendije za redovni studij na visokoškolskim ustanovama, u skladu sa posebnim propisom koji donosi Vlada Kantona, a kojim se naročito utvrđuje visina novčanih sredstava za stipendiranje, uvjeti, način i postupak dodjele stipendija, kao i ostala pitanja od značaja za ostvarivanje ovog prava."

U realizaciji iste Zakonske odredbe Vlada Kantona je donijela Uredbu o stipendiranju redovnog studija branilaca i članova njihovih porodica (Službene novine ZDK broj 4/14., 1/18.), na prijedlog Ministarstva za boračka pitanja.

Izradu teksta Uredbe i izmjenu i dopunu iste (kao i ostalih podzakonskih akata donesenih na osnovu Zakona) Ministarstvo je izvršilo u saradnji sa 11 kantonalnih branilačkih udruženja, kom prilikom je nastojalo maksimalno ispoštovati zahtjeve i primjedbe, te usaglasiti stavove i prijedloge koje su u tom smislu iste organizacije iznijele.

Zbog prakse Ministarstva da sa svakom inicijativom za izmjene ili dopune propisa iz oblasti branilačko-invalidske zaštite upozna kantonalna branilačka udruženja, i ova inicijativa zastupnika Lemeš će istim biti dostavljena na razmatranje, a sa sadržajem odgovora upoznat ćemo Stručnu službu Skupštine Kantona i podnositelja Inicijative.

S poštovanjem.

Dostavljeno:  
2x naslovu;  
1xa/a



MINISTAR  
Fahrudin Čolaković

14-08-2018

3122

Bosna i Hercegovina  
FEDERACIJA BOSNE I HERCEGOVINE  
ZENIČKO - DOBOJSKI KANTON  
SKUPŠTINA  
Stručna služba



Bosnia and Herzegovina  
FEDERATION OF BOSNIA AND HERZEGOVINA  
ZENICA - DOBOJ CANTON  
CANTON ASSEMBLY

02-1  
[Handwritten signature]

Broj: 01- 38-12597 /18  
Zenica, 10.08.2018. godine

- **MINISTARSTVO ZA OBRAZOVANJE, NAUKU, KULTURU I SPORT**
- **MINISTARSTVO ZA BORAČKA PITANJA**

**PREDMET:** Odgovor na poslaničku inicijativu - traži se

Na 63. sjednici Skupštine Zeničko-dobojskog kantona, održanoj 01.08.2018. godine, poslanik Samir Lemeš je pokrenuo inicijativu u vezi izmjene kriterija za dodjelu stipendija, u smislu dodjele većeg iznosa stipendija za studente koji studiraju van mjesta prebivališta, ali samo u slučaju kada odgovarajući studij ne postoji u mjestu prebivališta.

Molimo vas da shodno članu 199. stav 2. Poslovnika Skupštine Zeničko-dobojskog kantona – Novi Prečišćeni tekst ("Službene novine Zeničko-dobojskog kantona", broj: 7/12, 12/13 i 10/18, u roku od 15 dana, računajući od dana dobijanja poslaničke inicijative, predsjedavajućem Skupštine dostavite odgovor na istu.

**PRILOG:**

- Izvod iz transkripta 63. sjednice u kome je sadržana poslanička inicijativa poslanika Lemeša

S poštovanjem!

**SEKRETAR**

Ibrahim Avdagić



Dostavljeno:  
2x Naslovu  
1x Vlada Kantona  
1x Predmet

## SAMIR LEMEŠ

Hvala, prije nego što obrazložim inicijativu samo da kažem da moramo se složiti da troškovi studiranja nisu isti za studente koji studiraju u mjestu prebivališta, kod roditelja i one koji moraju plaćati smještaj, put i druge troškove van mjesta prebivališta, troškovi im nisu isti. Kao poređenje zaposleni u javnom sektoru, a posebno nosioci javnih funkcija imaju pravo na troškove putovanja pa, odvojeni život, pa raznorazne privilegije, samo zato što nisu u mjestu prebivališta, i ako je to upitno koliko nisu ali eto, iz tog razloga podnosim inicijativu prema dva ministarstva, Ministarstvo za boračka pitanja i Ministarstvo obrazovanja, nauke kulture i sporta da pokremeno aktivnosti na izmjeni politike stipendiranja u smislu različitog iznosa stipendije za studente koji studiraju van mjesta prebivališta, ali samo u slučaju kada odgovarajući studij ne postoji u mjestu prebivališta studenta. Samo da pojasnim recimo ako neko odluči da studira ekonomiju u Sarajevu, ili u Banjaluci ili u Tuzli, a ima u svom gradu studij ekonomije on onda ne bi mogao dobiti veću stipendiju nego student recimo elektrotehnike, student sporta ili nekog drugog fakulteta kakvih odsjeka nema ovdje onda ima pravo na stipendiju zato što nisu isti troškovi studentima koji studiraju van mjesta prebivališta i onima koji stanuju kod kuće, je li. Ministarstvo obrazovanja to može realizovati već od naredne akademske godine drago mi je da su čini mi se, ne znam da li je to na moje pitanje bio odgovor ili je to ranije donesena inicijativa, da se za deficitarna zanimanja studenti koji se stipendiraju sa deficitarna zanimanja oni su dobili duplo veću stipendiju i to je za svaku pohvalu. Znači, Ministarstvo obrazovanja je tu odlučno reagovala međutim od Ministarstva za boračka pitanja dobio sam odgovor da to ne mogu tako brzo realizovati zato što moraju završiti konsultacije sa boračkim udruženjima. Za realizaciju ove inicijative evo ja sada pozivam, Ministarstvo za boračka pitanja da u skladu sa zakonom ja ne znam sada koja su to boračka udruženja privilegovana u odnosu na ostale, da daju mišljenje zato što imamo jako puno tih udruženja i sva ova frka na federalnom parlamentu oko donošenje ovog novog zakona jeste upravo oko toga koja su to udruženja reprezentativna, a koja su u stvari samo pretplaćena na sredstva iz budžeta. Pa ja bih onda tražio od Ministarstva da odmah pokrene razgovore sa tim udruženjima koje je zakon označio kao ona koja su relevantna, a kako bi se ova inicijativa realizovala, hvala.